

溫疫論

下

溫疫論卷下目錄

雜氣論

論氣盛衰

論氣所傷不同

疝厥

呃逆

似表非表似裏非裏

論食

論飲

損復

標本

行邪伏邪之別

應下諸症

應補諸證

論陰證世間罕有

論陽證似陰

舍病治藥

舍病治弊

論輕疫誤治每成痼疾

支體浮腫

服寒劑反熱

知一

四損不可正治

勞復

食復

自復

感冒兼疫

瘧疫兼症

溫瘧

疫痢兼症

婦人時疫

妊娠時疫

小兒時疫

主客交

統論疫有九傳

溫疫正誤

正名

傷寒例正誤

諸家溫疫正誤

溫疫論卷下目錄

終

溫疫論卷下

嘉善張以增容旃評點

金谿周谷爛宣佐校訂

雜氣論

日月星辰天之有象可睹。水火土石地之有形可求。昆蟲草木動植之物可見。寒熱溫涼四時之氣往來可覺。至於山嵐障氣。嶺南毒霧。咸得地之濁氣。猶或可察。而惟天地之雜氣。種種不一。亦猶天之有日月星辰。地之有水火土石。氣交之中。有昆蟲草木之不

一也。草木有野葛、巴豆，星辰有羅計、熒惑，昆蟲有毒蛇、猛獸，土石有雄硫、礪信。萬物各有善惡，不等。是知雜氣之毒，亦有優劣也。然氣無形可求，無象可見，況無聲、復無臭，何能得睹得聞？人惡得而知其氣，又惡得而知其氣之不一也。是氣也，其來無時，其着無方。衆人有觸之者，各隨其氣而爲諸病焉。其爲病也，或時衆人發頤，或時衆人頭面浮腫，俗名爲大頭溫，是也。或時衆人咽痛，或時聲啞，俗名爲蝦蟆溫，是也。或時衆人瘡痢，或爲痺氣，或爲痘瘡，或爲斑疹，或爲瘡。

疥疔瘡。或時衆人目赤腫痛。或時衆人嘔血暴亡。俗
名爲爪瓢溫。探頭溫是也。或時衆人癭瘰。俗名爲疙
瘩溫是也。爲病種種。難以枚舉。大約病偏於一方。延
門合戶。衆人相同者。皆時行之氣。卽雜氣爲病也。爲
病種種。是知氣之不一也。蓋當時適有某氣。專入某
臟腑某經絡。專發爲某病。故衆人之病相同。是知氣
之不一。非關藏府經絡。或爲之證也。夫病不可以年
歲四時爲拘。蓋非五運六氣所印定者。是知氣之所
至無時也。或發於城市。或發於村落。他處截然無有。

是知氣之所着無方也。疫氣者亦雜氣中之一。但有甚於他氣。故爲病頗重。因名之厲氣。雖有多寡不同。然無歲不有。至於瓜瓢溫。疙瘩溫。緩者朝發夕死。急者頃刻而亡。此在諸疫之最重者。幸而幾百年來罕有之證。不可以嘗疫並論也。至於發頤咽痛。目赤斑疹之類。其時村落中偶有一二人所患者。雖不與衆人等。然考其症甚合其年某處衆人所患之病。纖悉相同。治法無異。此卽當年之雜氣。但目今所鍾不厚。所患者希少耳。此又不可以衆人無有。斷爲非雜氣。

也。况雜氣爲病最多。然舉世皆誤認爲六氣。假如誤認爲風者。如大麻風。鶴膝風。痛風。歷節風。老人中風。腸風。厲風。癰風之類。槩用風藥。未嘗一効。實非風也。皆雜氣爲病耳。至又誤認爲火者。如疔瘡。發背。癰疽。瘰癧。氣毒流注。流火丹毒。與夫發斑。痘疹之類。以爲諸痛瘡瘍皆屬心火。投芩連梔柏。未嘗一効。實非火也。亦雜氣之所爲耳。至於誤認爲暑者。如霍亂吐瀉。瘧痢暴注。腹痛絞腸砂之類。皆誤認爲暑。因作暑症治之。未嘗一効。與暑何與焉。至於一切雜症。無因

生者。並皆雜氣所成。從古未聞者何耶。蓋因諸氣來而不知。感而不覺。惟向風寒暑溼所見之氣求之。是舍無聲無臭。不睹不聞之氣推察。既錯認病原。未免誤投他藥。大易所謂或繫之牛。行人之得。邑人之災也。劉河間作原病式。蓋祖五運六氣百病皆原於風寒暑濕燥火。是無出此六氣爲病。實不知雜氣爲病。更多於六氣爲病者百倍。不知六氣有限。現在可測。雜氣無窮。茫然不可測也。專務六氣不言雜氣焉。能包括天下之病歟。風火暑三證亦有因風火暑來者。而因於雜氣者亦多。若槩認爲雜。

氣恐亦不當具
眼人自能辨之

論氣盛衰

其年疫氣盛行。所患皆重。最能傳染。卽童輩皆言爲疫。至於微疫。反覺無有。蓋毒氣鍾厚也。

其年疫氣衰少。閭里所患者不過幾人。且不能傳染。時師皆以傷寒爲名。不知者固不言疫。知者亦不便言疫。然則何以知其爲疫。蓋脈證與盛行之年所患之證。纖悉相同。至於用藥取效。毫無差別。是以知溫疫四時皆有。常年不斷。但有多寡輕重耳。

疫氣不行之年。微疫轉有。衆人皆以感冒爲名。實不知爲疫也。設用發散之劑。雖不合病原。然亦無大害。疫自愈。實非藥也。卽不藥亦自愈。至有稍重者。誤投發散。其害尚淺。若誤用補劑及寒涼。反成痼疾。不可不辨。

論氣所傷不同

所謂雜氣者。雖曰天地之氣。實由方土之氣也。蓋其氣從地而起。有是氣。則有是病。譬如所言天地生萬物。然亦由方土之產也。但植物藉雨露而滋生。動物

藉飲食而順養。蓋先有是氣。然後有是物。推而廣之。有無限之氣。因有無限之物也。但二五之精。未免生尅。制化是以萬物各有宜忌。宜者益而忌者損。損者制也。故萬物各有所制。如猫制鼠。如鼠制象之類。既知以物制物。卽知以氣制物矣。以氣制物者。蟹得霧則死。棗得霧則枯之類。此有形之氣。動植之物。皆爲所制也。至於無形之氣。偏中於動物者。如牛溫。羊溫。雞溫。鴨溫。豈但人疫而已哉。然牛病而羊不病。雞病而鴨不病。人病而禽獸不病。究其所傷不同。因其氣

各異也。知其氣各異，故謂之雜氣。夫物者，氣之化也。氣者，物之變也。氣卽是物，物卽是氣。知氣可以制物，則知物之可以制氣矣。夫物之可以制氣者，藥物也。如蜥蚰解蜈蚣之毒，貓肉治鼠瘻之潰，此受物氣之爲病，是以物之氣制物之氣，猶或可測。至於受無形雜氣爲病，莫知何物之能制矣。惟其不知何物之能制，故勉用汗、吐、下三法以決之。嗟乎！卽三法且不能盡善，况乃知物乎？能知以物制氣，一病只有一藥。藥到病已，不煩君臣佐使品味加減之勞矣。

虻厥

疫邪傳裏。胃熱如沸。虻動不安。下旣不通。必反於上。虻因嘔出。此常事也。但治其胃。虻厥自愈。每見醫家妄引經論。以爲藏寒。虻上入膈。其人當吐虻。又云胃中冷。必吐虻之句。便用烏梅圓。或理中安虻湯。方中乃細辛。附子。乾薑。桂枝。川椒。皆辛熱之品。投之如火。上添油。殊不知疫證。表裏上下。皆熱。始終從無寒證者。不思現前事理。徒記紙上文辭。以爲依經傍註。坦然用之無疑。因此誤人甚衆。驚虻之證不一。當求治其因而虻自安矣。若

不省人事名曰蜺厥大半
屬寒在痰條下理邪爲主

呃逆

胃氣逆則爲呃逆。吳中稱爲冷呃。以冷爲名。遂指爲
胃寒。不知寒熱皆令呃逆。且不以本證相參。專執俗
語爲寒。遂投丁香。茱萸。薑。桂。誤人不少。此與執辭害義者。
尤爲不典。

治法各從其本證。而消息之。如見白虎證。則投白虎。
見承氣證。則投承氣。膈間痰閉。則宜導痰。如果胃寒。
丁香。芫芩。散宜之。然不若四逆湯功效殊捷。要之。但

治本證。呃白止。其他可以類推矣。

順逆原非一端。亦有屬寒。亦有屬熱。

亦有寒熱相半。總之以和氣爲主。

似表非表。似裏非裏。

時疫初起。邪氣盤踞於中。表裏阻隔。裏氣滯而爲悶。表氣滯而爲頭疼身痛。因見頭疼身痛。往往誤認爲傷寒表證。因用麻黃桂枝香蘇葛根敗毒九味羌活之類。此皆發散之劑。強求其汗。妄耗津液。經氣先虛。邪氣不損。依然發熱。更有邪氣傳裏。表氣不能通於內。必壅於外。每至午後潮熱。熱甚則頭脹痛。熱退卽